

意
苕
山
館
詩
稿

意菖山館詩稿卷七

元和陸 嵩希孫著 男懋修九芝校

乙巳

讀漢循吏傳有感於崔大夫光笏之去卽書其後

知府古太守其秩比連帥漢時慎斯選教化一方賴蜀郡
來文翁渤海得龔遂鄭召並卓絕頌聲滿治內諒繇德望
高豈獨威名大褒獎每璽書寵異表車蓋今雖寄漸輕屬
吏聽舉劾賢否可不知考察可或昧况經兵燹餘盜賊起
所在獄訟日已紛法令日已壞但以卧治聞安得吏民畏
惜哉崔大夫治此未周歲撫字心獨勞恩威用兼備奉諱
去江南至今想遺愛感知矧迂儒切切時寤寐班史傳循

吏千秋有同慨

喜餘杭董氏妹至

驚喜重相見音書十載訛不堪兒女淚更比別離多薄宦
悲親歿長貧奈老何無聊還爾慰幸未阻干戈

春感

蕭齋獨坐欲殘春書卷堆牀稱病身紅藥滿階風過韻綠
楊繞屋雨添響燕鶯嗁歇搶高樹鶯鳴聲喧惱比鄰誰信
銀牋分一道夜深還有苦吟人

雨後課僮僕樹蔬

齋前盛桃杏四圍樹以柳隙地尙數弓差足比南畝四時
藝嘉蔬藉之給八口犁鉏愧未習勤苦賴園叟瓜壺味皆

腴充饌雜松韭前年戎馬經此地徧躡蹂荒廢遂至今牽
蔓恣稂莠豈惟種植難芟刈或傷手可知藜藿微亦未易
消受春來雨澤均土潤樂耕耦筋力幸尙健課種敢更後
不見陶泉明折腰恥五斗儒官世雖輕差免事趨走食肉
非所望知足自无咎

吳淞

聞道吳淞渡夷船尙錯居漸能通漢語亦欲習華書婦女
愁高髻兒童厭短裾伊川辛有歎當事意何如

生日自歎

歎息頻經覽揆辰流光誤盡總傷神一生心事存詩卷半
世功名付後人大好斜陽偏近暮獨留芳草待逢春長沙

舊句分明記五十五年衰病身

偶返里門紀感

夢裏還鄉未當真暫歸仍作夢中身何年一舸胥江畔載
得全家作釣人

淒清弦管不堪聽孤負流光已半生猶勝避兵歸八口滿
江烽火客心驚

歸已無家事可知曾經信宿卽吾思扁舟不敢楓橋泊怪
底鐘聲到耳遲

親朋偶聚亦堪傷面目依然鬢各蒼休怪兒童不相識十
年幾度得還鄉

呈董都轉琴涵

國華

丈

英夷居澳門族類得生聚豢養近百年官吏聽撫馭自公
去南海變起抑何遽持節悲侯官防患非不預忠誠況衆
知威望賊所懼要約偶乖方讒口啟獷狙因之肆橫暴倉
卒禦無具流禍遂江浙殺戮滿道路苟早聽公言恩威兩
宣布安知阱虎狼不比縛狐兔所惜公竟歸當事亦交忤
嗟嗟趙佗城徧毒公超霧私心念鄉閭却幸公歸護傳聞
吳淞陷輪船竟飛渡蘇松距非遙闔城盡驚怖洶洶不逞
徒深憂起相埒大府藉經畫安堵得如故惟時京口兵嚴
防四方赴諸將方犄角總戎亦遙駐殘破應無虞傾覆乃
朝暮儻公在軍中困獸何難仁哀哉斯邦民慘禍懼獨苦
亂定聞嵩言感激動嚮慕假歸憶當時勞苦就公訴聽公

論往事得失若計數互互不平氣自作白虹吐卽今瀕海
鄉犬羊尙錯據未報孫恩擒但聞倉葛呼萑苻矧頻起所
司諱緝捕姦民習戈矛本業或不務此憂正非淺泄世彼
豈悟但議漏卮塞焉慮積薪厝何堪六州鐵聚鑄一大錯
平生報國心慷慨向誰露老去雖馮唐潔身豈疏傅今來
數造門殷勤荷垂顧嵩本少知能不才諂匏瓠遭逢更時
艱心思歎久鋼偶發牛鐸聲敢望引韶濩獎勵感拳拳精
誠發宵寤公如雲中鸞走比江頭鷺歸耕儻有時相從願
徒步

江陰

東望狼山路江湖接海潮時平忘地險事少任兵驕猿鶴

堪俱化烽煙幸已銷關心驚鼻指點識今朝

歸自省門寄謝一二知己

三黜何用憂三遷詎足喜古來賢達人置身肯自鄙奈何
風化衰營競日無已蒙本少宦情竊祿抱關比患難況屢
更志氣久茶靡報滿來省門筮易蚤得否胡分賤姓名忽
坳薦書尾水旱方頻告盜賊亦時起此豈迂拘才災變力
能弭儒官世所輕養拙轉有以縻緯未知恤曲突薪焉徙
終當從沮溺再拜謝知己

胡夢花

庭栽

自海上來留宿十日作此贈行

暑雨病初起掩關正苦寂君自海上來談深忘朝夕窗外
竹數竿似解人意適颼颼送微風煩襟暗除滌靜躁雖各

殊性天要不隔百僞敵一眞所變遂無極醞醞得如君我
心生感激

夙負經世才未展志百一以此心耿耿煩憂坐終日不見
南陽廬伏處但抱邾三顧苟無人淡泊豈自失彼哉深源
輩書空徒咄咄用行舍則藏聖賢有同轍願毋薄吾躬苦
節貞乃吉

海烽雖暫息盜賊猶縱橫仰天見熒惑光逼虛危明昨聞
曹濮閒剽殄勞官兵淮徐近接壤擊柝聲相驚河流況橫
決魚鼈嗟民生君無尺寸植撫膺空怛怛拂衣儻歸去南
山尙可耕

世風競錢刀性天失真樸寇盜之所興四海罹其毒刑罰

有時窮榮名焉知勛諒非讀書子疇能振末俗教化非細
故法令奪禮樂慷慨論夜深往復雜歌哭明日送君行惻
惻感輪軸

和胡夢花渡海作

胡生渡海曾瞻豪歸持長句誇吾曹日月簸蕩電雷翕紙
上躍躍生洪濤悲來忽感壬寅事曾於此處屯夷艘吳淞
礮響聽不絕黑雲驚散帆飛逃何物督師忽捲甲坐令猛
將空橫刀至今忠魂哭夜夜怒氣還作子胥潮乘風破浪
亦吾志經歷變故羞鴻毛輸君慷慨吐奇氣擲竿尙欲驅
鯨鼈方今海寓豈無事薦賢誰得如禹皋折腰徒爲督郵
苦負腹或受將軍嘲不如蹈海學巢父釣絲竟拂珊瑚梢

高吟梁父意自得古來傑士多衡茅

獨坐寫懷

世路茫茫未有涯崎嶇歷盡轉咨嗟不因檐短風難避卻
慮牆高日易遮觸撥綺懷珠有淚銷磨豪氣劍無花欲憑
牛斗三生問望斷張騫貫月槎

暑未徂已如涼秋

時節屆三伏炎暑盛逼蒸往往困不寐一夜三四興如何
未七月已覺涼風生扇閒篋笥棄瓜冷齒牙憎正恐孽螟
蝥毋畏嗜蟲蠅豈祝融衰權默侵元冥陽光失威烈陰
氣得暗乘此憂非細故深慮疢疾萌心腹縱無患元氣或
不勝自知體積弱用此心兢兢兼以戒童幼慎勿貪漿冰

安得炳赤日大地消沈暝肌膚卽熏灼庶以全吾形

巡段行紀呂城事

東南民氣柔且輒不比西北習驕悍近來盜賊頗亦多劫掠紛紛警里閭所司官吏但張目例有處分不敢按遂使椎埋結社徒白晝橫行了無憚緝捕誰貪鄰邑功疏防忽報呂城岸搶犯戕官肆凶暴岸上居民盡驚竄揚帆徑去日未昏斷骨殘肢棄河畔嗟嗟此河南北衝來往商船夜不斷可堪出沒如萑苻縱玩深愁釀禍亂傳聞大府頗憂切火速嚴符下郡縣郡守方治監生獄逃匿難容怒凭案茫茫盜去知何方衙鼓喧傳且巡段

漫興

神雀高飛相業休，掖垣梧竹自清秋。
感時自著錢神論，報國先深債帥愁。
詔敕遠頒秦玉璽，版圖重奠漢金甌。
中朝莫問長名榜，終古輸邊有至謀。

江行口占

片帆又向白門縣，回首鄉關一惘然。
莫道大江風浪惡，狹河淺港有沈船。

金陵

崔魏雉堞尙前朝，形勝東南第一標。
驚見羽書傳昨夜，忽聞和議出崇朝。
秦淮花柳添憔悴，元武旌旗空寂寥。
往事何人更憤切，不堪嗚咽獨江潮。

宿慶雲寺

川途卸征帆僧舍暫投宿喜無車馬喧而有亭榭曲老僧
坐禪堂持經就燈讀梵音我未諳聽之令心肅清磬時一
響棲鳥動林木微風起階前涼意忽衣服頓覺塵慮清愈
苦形骸枯招隱知何時菘韭或未熟得此供伊蒲吾願亦
已足晨興出門望黃埃歎滿目

蟬

上林風雨不堪思猶得空山借一枝未必居高聲便遠長
吟短訴欲誰知

與寺僧夜話

徑僻無人過西風許獨尋空梁雙燕坐枯樹一蟬吟小雨
忽沾袖微涼已入衾寺僧閒共語幽絕此宵心

掉搶行

江兒弄船慣迎溜使帆好與江風鬪朝來東風狂更狂大
鰲小舫盡宿留我船兒郎獨大笑風逆何妨掉搶走船從
西來風從東風右卽左卽右敲斜折作之字形莫辨從
橫類篆籀旁插一版助帆勢畫浪鉤波看皺透使船直與
使馬同如意指揮奮短袖江南江北傾刻移兩岸青山互
避就初疑歸鳥搶翩翩忽似陣象怒馳驟舵尾橫撇水紋
破桅影直讓日光漏中流船底略覺輕一索帆腰急爭收
奔騰似欲驚蛟龍便捷真教過猿狖如此足奪風師權豈
更長途怨久候何物鬼夷別弄奇詭造火輪駭蒙陋黑煙
冒頂暗日星破浪乘風恣所首江頭排列我見之恨不一

炬縱白晝盡聚當時魑魅魂化入洪濤快鯨吼一帆飽挂
任今朝順逆何煩禱天后

金山

樓臺金碧冷秋煙一櫂經過又隔年忽憶乾隆全盛日六
龍曾駐此江邊

西風

西風颯颯動江干鄉思離情併百端多病自憐無好句故
人還與勸加餐蛩聲入夜聽彌急月影當窗射倍寒回首
百年成草草鬢髮愁更鏡中看

寄陳梁叔

克家

松江

君之外姑我叔母隨我叔父濟南走四十年來哭泣過存

者一家今幾口剝下無兒女遠離縻緯蕭蕭恤何有骨肉
翻悲地下多墓廬永誓他鄉守我欲往省路阻長空與臨
風黯回首感君紆道從金臺置酒明湖爲母壽呂範長貧
母自憐韋皋失路人知否想見燈昏月暗時細語家常不
知久我雖未得從君行經歷關河儼君右所恨怱怱下水
船不獲江干一執手書來不厭讀百回語摯情眞世誰偶
人生會合安可期每歎白雲變蒼狗貴賤窮通本有天生
生聚散皆非苟我游已倦歸無家壯志平生感虛負聞君
又泛泖湖船好句傳鈔定恐後安得相從便拂衣莼美鱸
肥共杯酒

追悼亡兒

紹修

去年八月十八日我客汝死歸未得今年八月十八日汝
死我歸徒惻惻百年三萬六千場如此一日一斷腸身非
木石心非鐵何由歲月得久長汝材本非竟無用弱管有
時肆操弄出語往往勝乃弟奈何自棄類愚憊陰風颯颯
吹我衣汝魂今日豈知歸汝母嗚咽汝弟泣使我對此增
噓唏噓唏忽感少年事哭弟深宵迸涕泗無婦無兒只喚
兒執手臨終痛猶記可憐汝死今亦同汝弟慰汝汝豈蒙
汝死地下應無憾只我兩鬢嗟鬢髮門衰祚薄更三歎祇
此孤孫對悽惋先人積德未當盡我躬多疚定難追不然
汝雖名未成友愛亦自逾恆情何致三十不得滿并使一
訣慳今生今年哭汝我健在只恐明年無淚灑顧影胡能

不自憐投杖敢辭賢者罪

病起

秋來風雨苦廉纖病起心情百事嫌
牀積報書緘怕啟篋多題紙管愁
拈流螢欲墮低窺檻落葉無聲暗入
簾堪更亂蚤聽唧唧攪人離恨一時添

夜雨有懷

故人何處路迢迢獨向空齋坐寂寥
秋雨不知離別恨隨風一夜滴芭蕉

九日

驚逢令節此句留傷逝懷人恨未休
饒有雲山難望遠便無風雨也悲秋
黃花羞插舊人鬢濁酒不饒羈客喉
咫尺

故鄉歸尚滯，可堪扶病一登樓。

先妣忌日縣像設祭感痛成此

金萱樹堂北隕痛隨百卉，自我爲鮮民倏忽已十載。今朝見慈容慘澹，仰如在尚疑坐中堂，相顧缺滄澗戒兒毋憂。煩勉強悽顏改終年事，遠遊倚闔每短晷承歡會幾時。莫贖百身罪兒今雖賤，貧不能具鼎鼐几筵已稍豐。重泉豈相待何如親在日，左右備醯醢此生復何言。哀哀視長跪墓祭況久闕兒責欲誰委，微祿尚戀戀涕淚亦徒灑。

擬阮詠懷

秋風振林木，萬籟含淒清。仰天見殘月，耿耿光不明。微霜變濃露，河漢不復橫。上有鴟梟集，下有蝥蟧鳴。中夜不能

麻四顧傷我情

陽春旣暗逝炎夏亦受代灼灼園中花西風使之瘁時運
原遞更嘉會每難再冷然五絃琴餘聲渺天外惻愴臨高
岑零涕滿衣袂願得駐光景毋遽徧淒歲

崇巖樹松柏蒼翠滿雲洞旣承鳳凰棲亦備梁棟用摧隕
知何絲斧斤自尋縱美蔭歎已失堂上但菲葑感激冰雪
來歲寒孰與共

漢江有游女善昧誇明眸雖無佩環贈誓將寤寐迷龜山
蔽吾目斧柯操何由抱茲意惓惓俯仰生煩憂如何惑姣
童摻祛昧貽羞安得西王母爲我作蹇修

有鳥西北來巢我東南枝飛飛共燕雀飲啄兩不疑歲月

亦已久嚮子恆於斯何用忽猜意四顧鳴悲悽綢繆幸戶
牖毋待霜雪時雲霄望千仞長願垂羽儀

羲輪將西傾回光尙晬晚我欲迫虞淵挽之使東返雨雪
愁霏霏浮空掩長阪所思天一方何能效嫵婉一鼓雍門
琴再激山陽管哀音從中生長夜不能短仰睇冥飛鴻徘徊
自憤懣

紛紛桃李花陽春炫羅綺西風一以吹萎落怨何已非不
慕長松弱質固難比拒霜何矯矯顏色異凡靡可憐開獨
遲秋江自徙倚

昔我遊三山道逢安期生袖中出火棗服之令眼明願言
致君子比彼雙瓊英路遠望無極浮雲阻冥冥衆人嗜醇

酒三日不得醒驅車欲何往涕淚空沾纓

故鄉不可返常抱羈旅心誓言欲誰訟託此三尺琴狂飆
忽江上振地生哀音野曠亂駭獸林暗空離禽沈沈闕白
日杳杳迷重陰道遠不識察曷以抒愚忱閶闔如可排吾
將巫咸壽

邱中有一士自言美姿容世人苟相悅能以此身從渴飲
西澗水飢食東山菘智伯去今遠豫讓胡得逢旁皇撫長
劍徒令心憂忡

水逝不重返花落難再開人生一俯仰欣戚俱塵埃誰能
遇赤松雲端空徘徊時路歎爭逐千秋安在哉

玉關萬餘里風雪長蕭蕭美人忽至止容光憂先凋盛年

不敢惜承恩念崇朝金璫尙我耳玉珮尙我腰誠恐君子
側爲歡無嬌嬈空房暗隕涕輾轉忘深宵焉能重交接和
聲發鸞簫

喈喈林中禽離離原頭草當春非不佳過時那得好朝馳
蒼梧濱暮涉蓬萊島美人不可見白日去浩浩蟪蛄豈知
悲蜉蝣不自悼淵跼生同時誰論壽與天人理有盡期元
化貴默保龜勉慎姱修萬世以爲寶

雲間有孤雁哀鳴來庭隅豈獨感離別憂患時與俱世人
重恩怨誰能兩不渝歡燕一朝夕猜嫌成須臾夷門弔侯
嬴燕市悲狗屠抗懷千載上落落斯人徒

舉帷偶一顧非有攜手歡中腸生感激空牀夜漫漫誓言

彼何人願作雙飛鸞三星照戶牖明月臨闌干恩愛正夕
簾乖違忽朝餐黃金豈不重禮義胡能安賤子得聞之恒
焉摧心肝

凌風無健翮逐波解浮鱗空懷萬里志生命胡不辰高臺
望神仙燦燦皆金銀白石不可爛焉事希修真榮名非所
寶仁義輕埃塵

蘭蕙秉幽姿芬芳散巖壑美人雖不逢未嘗歎寂寞桃李
媚春陽當路獻天灼一朝委泥沙紅顏欲誰託矧彼荆棘
叢滋蔓附籬落誅鉏眾爭加不得隨隕籜君子務從善小
人競爲惡自處任所擇造化無厚薄

攬衣陟高岡北望雲中臺臺高不可卽莽莽飛塵埃皓月

隱叢薄淒風起蒿萊黃鵠抱遐心毛羽忽以摧處堂任燕雀飲啄而徘徊王喬庶一遇託身願與儔

涼飈入我戶冷露零我庭木葉欲盡脫幽蛩將無聲感茲時物變怛焉令心驚朱顏忽前日歡樂曾幾經素琴抱中宵悽惻誰能聽焉用期千秋結念惟躬耕

冬夜讀陶詩

夙抱寄黃虞平津每顧盼隱世非良材曷嘗忘憂患荆軻既莫逢三良亦徒怨霜霰方紛霏荆棘日滋蔓荒雞不肯鳴長夜何時旦諒無凌風翼羅網誰能遁松菊幸未荒琴書足耽玩挑燈誦陶詩朔風動悽惋

追思

滄海風塵幸已清，追思往事尚心驚。
百年蠟鏡潛遺毒，一夕羊城竟啟兵。
市以賄通原禍始，室由道築豈謀成。
何堪卮漏仍難塞，徧地流金內府傾。

私款何時許，暗通珠崖擅棄尙。
論功船堅礮利騰章奏，餉匱兵罷袴魯蒙國典難寬歸。
請室陰謀多助復，參戎傳來惹苴胡椒籍，調語無稽却至公。

白幟高擎太守親，憤然羣議集明倫。
三更樓外寒金鼓，一炬江頭失火輪。
傳檄幾曾煩大府，飛章苦欲罪頑民。
何人雪涕同仇賦，忠義聊憑尺牘伸。

豈是封侯願，竟忘圖形麟閣亦尋常。
功名氣早金銀奪，談笑姦原劍戟藏。
軍閫運籌爭助餉，疆臣備敵亟營裝。
薦賢

贏得東平歎商賈公卿坐一堂

功罪何嘗竟莫分小臣報國有彈文
闕專勳舊驕難制鉞授親賢禮本殷
烏涌冤氛昏白日虎門戰骨慘黃雲私書
誰繼真卿發大義淋漓駱統聞

誰能聚鐵鑄神姦蝸角爭悲導觸蠻勁旅一時銷鎮筮孤
軍兩度沒舟山邊防虛飭堅城少政府遙承制閩艱百戰
幾曾寒賊膽祇聞不敢渡臺灣

紛紛已負粵南恩又見平江萬騎屯
愁慘歌聲戎帳邊倉皇舞影陣雲昏
聯檣列炬謀空說狗竊雞鳴客自尊
漫道朱虛原將種高皇勳衛幾人存

大纛纔看滬瀆收連天烽火逼瓜州
全師待集愚都護和

議終成快故侯鐵索張皇徵屬邑紅彝寂寞委荒流金焦
三月容長住別有推心置腹謀

礮壓鍾山且莫哀相公已報浙西同繫鞬道左華夷雜牲
幣城頭將吏催自古大風思猛士從今廝養有人材凌煙
未畫身先沒孤負劉琨一疏推

事傳海外本多奇白簡無端隔省馳豈有冒功憑賊訴底
須對簿始羣知指麾慷慨臨戎日歎息倉皇就逮時得遇
聖明邀薄醜蠶叢萬里去休遲

曾見圖形上紫光 國恩深厚未應忘如何許遠臨師去
不共張巡誓賊亡蓋世功名銷末路一時富貴誤當場祇
愁西市悲風裏白首同歸願莫償

金縉已竭兵戈罷戰壘空縣落日孤
帝念關中無李牧
人愁江左失夷吾書爭媚賊工騰謗才拙和戎悔辨誣安
得屯田西域客 賜環重許過三吳

養寇營私古有之不聞要結借蠻夷隱然敵國姦難破直
使刑官法莫施先斥李綱排異議密圖房瑄阻移師罪言
杜牧狂誰效留與他年青史知

并無虛捷報甘泉 宵旰何時廢惕乾一自河渠移郭令
遂教草木走苻堅牛羊雞豕供愁竭猿鶴蟲沙化可憐此
局盡翻前代舊受愚當日問誰先

小劫修羅草草完爰居鐘鼓饗無端依然高舶隨潮涌一
任黃金雜土搏臺館新營常住鬼關津舊稅竟分官瀛壖

酖毒何時盡嚴禁仍聞令甲刊

奇貨堪居奈爾何公然負販使操戈眼明神武冠爭挂身
殞沙場馬亂馱補罅不憂民力盡論功還仗計臣多誰憐
瘁羽江頭鳥跼跼曾經墮網羅

讀明史秦良玉周遇吉傳各書一詩於後

有明之季賊充斥所至官軍不敢敵相戒獨避白桿兵背
鬼威聲豈殊昔須眉男子空堂堂鋒未及交已辟易渾河
血戰功誰如貝錦高張尙讒慝可憐養寇非一朝蔓延乃
及思陵朝馬上長纓問誰請惟一巾幗稱英豪平臺召對
賜羊酒感激數看腰閒刀何人軍國受重寄致使賊勢成
滔滔中書但憂轉輸急督師莫問烽煙高兄弟二人皆死

事吾受厚恩死焉逃嗚呼事勢乃至此誤國當由議撫始
舉朝盡效石砮忠寇盜何難化赤子攬權納賄徒紛紛禍
結兵連竟靡止千秋甘讓孱婦人一代功勳耀青史

他鎮復有周總兵吾亦安能卽至此大同宣府彼何人降
表同來賊大喜哀哉將軍未死時空城圍急已不支發礮
擊賊賊膽落賊魁幾盡賊退馳可憐援絕竟城陷揮刀巷
戰力莫施矢如蝟集氣益怒噴血罵賊賊鬻之復有夫人
助殺賊火中強弩還親持賊時死傷亦過當凜然忠勇將
軍知將軍雖死賊心懼堪再堅城甯武遇武臣報國且有
然經撫何人一城據吁嗟乎當時經撫肯據城區區蟻賊
焉足平徒令沙場白骨堆從橫將軍將軍死有靈應化厲

鬼殺賊兼殺無與經千秋恨事獨有明

送錢大令

燕桂

西戍

三年烽火此餘生萬里何堪君獨行不殺已蒙寬大典銜

冤終繫

聖明情官名守土城難入臺護儲胥身敢輕

在時

糧臺支餉賊至爲海都統所拒不得入城此別傷心無淚灑 賜環日夜望神

京

呈楊閩仙

承湛

太守

雅度翩翩識恨遲彌襟蘭蕙氣猶滋心常欲退名都淡官
到能閒治可思盡日焚香留燕寢終朝洗墨坐龍池前身
不是尤安禮誰遣蘇州太守知

送董氏妹還餘杭

一載家常話未休
可堪冰雪又歸舟
此生再見知何日
相看燈前已白頭

意茗山館詩稿卷七終

孫潤庠曾孫家振校字

意苕山館詩稿卷八

元和陸嵩希孫著 男懋修九芝校

丙午

題李季方大令見獵心喜圖

畫馬昔推曹將軍遭逢太平奉至尊寫盡沙苑監中馬各
具意態無比倫後來韓幹稱入室卻遇海內多風塵致使
驂駟氣凋喪風鬣霧鬣無精神知君所師定何在絹素橫
披氣慷慨一馬白比玉花驄一馬黑類拳駟喙鬣沙場
遇敵時怒辟凡馬氣猛銳想其吮毫揮灑初豈但委棄感
長隊自從東海苦用兵殺氣直逼金陵城金陵城中盡奔
駭達官無策陳犧牲獨君午夜矢憤切寶刀自向腰閒橫

故作此圖寓深意局促轅下生悲鳴君不見天寶當年杜
陵老喪亂歸來不自保碑兀徒爲病馬傷飛騰尙欲黃埃
埽君雖抑鬱志未得偶儻權奇世知寶慎勿長懷伏櫪悲
空思射獵南山好卽今海寓猶烽屯雄姿健足方需君同
思戰艦連江日愧我低頭老屋人

近來

近來疏懶甚身世任茫茫遇事關心少看書過眼忘畏人
常託疾辟蠹自焚香獨有還鄉夢終宵忙更忙

春日雜興

門對青山雪未乾支離病骨怕重看寒帷只望春風到不
信春風分外寒

日日東風雨不休
聲聲猶聽喚枝頭
寥空莫是無纖翳
故遣蒼鷹盡化鳩

一樹垂楊綠水灣
依依相對破愁顏
莫教便化江頭絮
飛入滄溟不肯還

桃李摧殘竹不苞
更無春色到衡茅
多情獨有梁間燕
盡日銜泥補舊巢

雜述

推排人間世
倏逾五十年
知識本樛昧
境遇多變遷
高岸忽成谷
滄溟化爲田
顏閔孰能重
夷惠知誰賢
競心起衽席
猜嫌生豆邊
慨然講禮讓
尙想乾嘉閒
江湖勢日下
望古徒涕漣

花落不返樹水流無回波擾擾終日閒元鬢忽變髭穠范
鷺傾奪儀泰工揣摩富貴豈長保禍患身旋羅懷哉沮溺
流嘯傲甘巖阿

雪隕霰先集霜降冰後堅古來治亂機造化難預宣聖賢
有前知不在著蔡閒後世尙符讖嘖嘖矜談天豈知天道
遠動與人事連四維苟不弛仁義有必先毋忽孟管語疇
見周鼎遷我思三代上憂心徒悵悵

人生不滿百晝夜況各分流光自不惜百年亦易陳纍纍
蔓草間知是何人墳朝渡桑乾水暮逐蒼梧塵勞苦各無
已夢寐交紛紜少壯逝候忽髮心欲何云一日如兩日羨
彼山中人

農爲邦之本非但食所出終歲事耕作此心自無佚古來
揭竿徒不聞起蒲穢可知風化衰始自耰鉏輟後世重商
賈紛紛競逐末奇巧復不禁趨利益心切爲問盤中餐彼
豈自不缺疇能忍飢餓握算計什一

良田種菽粟豐收畝三石一半輸官租餘供八口食雖得
調飢免那望倉箱積豔問阿芙蓉海外徧栽植其利乃數
倍更省婦子力因之川廣開紅花被阡陌嗟嗟九州田儻
盡廢耘穡民食將安資天意知誰識

嗟利擅江淮富民應官募海波本不竭煎熬卽成素計綱
輸官餘金錢溢無數羨心生姦尤私販滿道路官引日以
滯虧短致國庫當事議更法後患豈預顧大利在天壤自

古共趨鶩擾擾何時休誠亦昧其故

大道去已遠羣言日紛擾風俗之所偷人但咎釋老或思
二氏言初未甚倍道奈何昏妄徒教別耶無造禍福置勿
論金銀結盟好不知藏何姦傾動法羣藐此憂正無窮仰
望天浩浩安得奮雷霆乾坤痛一掃

聖言如醴醇百家皆糟粕泛鶩彼何爲根枯葉徒沃念昔
趙韓國自謂論語熟以此致太平此言似驚俗亦知乾德
閒君臣坐黃幄時雖異古今道自積沕穆賢親君友間各
盡卽無慙吾思卜子言舍此更何學

狂者不可得聖人且思之豈非嚙嚙然其志良足誦意氣
苟未合軒冕棄如遺焉肯徇卑污動受塵俗羈所居全

世抗懷恆古時奈何薄本行相高但浮詞脾睨遂一切炎
勢趨不辭以此自稱狂得毋狂者嗤我思狂與狷臭味原
無差不狂不狷閒所處吾焉知

軒冕不必慕山林亦何欣斯世盡巢許治平知何人要當
任所遇各自保厥真聖賢不世出斯道終常存庸行苟無
愧出處豈異民不然虛聲盜或但利祿貪彼此更相笑亦
復知何因

鳴鵙翔雲中自謂所歷高下視燕與雀斂翼棲衡茅卑微
焉足顧肯恤會同巢中路遇大鵬順風搏扶搖鷓鴣遠前
導孔雀紛相招何者尾秃速一啄墮平皋虞人設羅罽哀
鳴知安逃何如彼燕雀呼侶安啁噍

振衣陟崇岡四顧不見人但看麕鹿迹出沒郊與闌長風
起坡陀亂石堆磷磷高梧挺百尺久矣摧爲薪荆棘布滿
路過鳥不敢蹲虺蛇蟄其下毒霧噓草根誰敢冒危險投
足此逡巡扶杖獨歸去古道方斜曛

道逢賈人子勸我出門游出門何所之言有餘艤舟朝發
滬瀆城暮止歐羅洲仙人此搗藥時有瓊漿流服之恣行
樂嘯傲輕王侯奈何風濤險窺伺多魑虺死生固有命富
貴安可求長揖起相謝吾自甘林邱

生非阡陌閒犁鋤事孰解鄉人入城市目眩心則駭義黃
去今遠古風問安在嘗知來世事識見罔瑣猥高論耳偶
聞疑訝轉每每不蒙迂腐譏亦等塵埃委流俗那得變漣

漓積難改所以孔孟徒相從願浮海

答寄徐秋士關中仍用前韻

敢將消息問飛鴻寒暑心驚火已中
入口尙憐天未滯一瓢容得故園同
迭經憂患功名薄流轉江湖歲月窮
畢竟安居何處好可應阜帽住遼東

見月

忽見團圓月低頭傷我情
月圓有時缺能得幾宵明

大風折竹歌

荒齋高枕山之麓終日閉門少剝啄
天公知我苦寂寥爲挺窗前數竿竹
千霄勁直無媚姿拂檻蕭疏遠塵俗
伴我苦吟已兩年頗令胷懷免齷齪
忽然狂風動地來亂捲重

茅壓低屋長松合抱看盡拔況此森森僅一束真如相對
失故人太息空庭步躑躅從今更無王子猷排闥相過問
寒綠書生福薄亦可想拌得黃埃仍滿目題詩悼竹還自
悼摧折無端豈嘗卜

詠素馨花

更無情緒踏蒼苔多少名花看過來只有此花無限好爲
憐肯向夕陽開

喜聞黑錯寺大捷

黑錯寺中野番聚頻年恃悍官兵拒習聞撫議召大酋大
酋不來質乃許營弁雖微亦朝命國體所傷歎已巨如
此懦帥眞足烹當國何人默無語我皇赫怒別命帥醜

類稍遺慎鉞斧督師朝拜 命大將前負弩將帥和衷師
自武號令嚴明出軍府一鼓殲厥魁再鼓覆其巢何處容
留更勞撫捷書馳報 皇大權 優詔褒嘉隆錫子腐儒
不識督師誰與大將誰盡道昔日所傳鬼夷畏如虎毋怪
滅此不朝食從此軍書罷旁午西陲百姓歌且舞嗚呼西
陲百姓歌且舞江東之民昔何苦

野望

江邊留古道迂曲少人行何事深山鹿呦呦遺遠迎

西疇歎

雨過步西疇道逢二老翁髮白面黧黑相對無懽容微聞
一翁言家有未賣童今年風雨調可幸秋收豐輸官有餘

粟差足供餼饗且喜父子緣不絕聊此冬何意十日雨割
稻未及春青青發萌芽辛苦俱成空官符下昨日火速籤
飛紅一翁默無語涕淚交霑曾我聞愧且感歸坐憂忡忡
秋災過七月申報誰我從迂儒不曉事抱牘從倥傯縣官
啞爾笑租吏耳若龔所恨天上例不與人閒同何不雨三
伏愆期此溟濛明年定辭免忍覩災黎窮

得張詠仙書

書中只數語草草報平安盡日不釋手夜深還取看憂時
心獨苦感事忽無端切切思鄉客能無一浩歎

庭前桃杏忽作數花

西風颯然來木葉盡搖落誰能返韶華復使發紅萼朝來

步庭前忽爾露天灼正如半面妝避人故隱約雖殊豔陽
時滿園布爍爍蜂蝶已欲狂爭趁繞簾幙造物知何心狡
獪弄冥漠豈憐悲秋客生意太蕭索俾知枯榮理變幻難
測度智懷庶一廣眼界得稍廓竊思休咎徵應感要無錯
月令試重稽憂心欲何託

潤州城樓

城上高樓俯大江樓頭曾見列旌幢風翻白浪騰長檻雨
捲青山入短窗敗荻亂銜南下雁破帆斜挂北來艘欲尋
故壘知何處落日荒荒送急瀧

喜得黃韻珊書

朝得故人書夜見故人來故人在何所亦不心疑猜別離

訴各各喜極還生悲君言守窮困我言遭亂離看君麻衣
裳哀君失庭閣復怨君經過數數黃金臺布帆徑高挂咫
尺蹤相違窗前雨風聲颯颯驚牀帷夢醒意恍惚亟起函
重開同環讀無已更漏嗟頻催懽會積十稔少壯難更回
願永金石心毋使長乖睽

長歌行

孔雀高翔遠寥廓牛角何繇起相觸麒麟一爲城市游惡
犬狺狺亦得逐弱肉強食安足論鳥獸不可與同羣世途
榮辱類自取朝三暮四徒紛紛君不見螳螂捕蟬蟬不知
操弓挾彈已隨之又不見蚌鷸相爭漁者利利害循環笑
誰避

小鳥

小鳥欲何託一枝聊自依爲憐毛羽瘁不羨稻粱肥路豈
雲霄礙羣知鷓鴣非如何挾彈客猶是費珠璣

枕上口占

夜長渾不寐展轉逼愁生只恨茅檐下荒雞不肯鳴

丁未

春日書懷

敲斜茅屋近江干料峭東風尙覺寒好鳥不嫌當戶坐名
花偏愛隔簾看空階雨過延青草高閣雲開引碧巒留得
春光長住否卻從客裏勸加餐

寄王研雲六安

意若山館詩稿

卷八

八

倦鳥思投林，頰魚念潛淵。飲啄豈不戀，弋餌良可患。憶當與君別，鍾阜青谿間。遭逢喪亂後，病骨支離看。積憤滿曾臆，欲訴愁無端。經世豈尙期，違俗甘交訕。君雖富著述，差可藏名山。薦書未一上，終老此菴盤。慨然望當途，肆毒猶驅貓。微忱抱螻螳，阻絕悲天關。何當荔衣製，驅犢隨黃冠。相思不相見，望遠空漫漫。

答張詠仙袁浦見寄詩

苦恨不相見，相見還復愁。愁君去京國，道里阻且修。抱才不蚤遇，遲暮將何求。霏霏正雨雪，豺狸潛荒邱。當路滿荆棘，行李生煩憂。君況重死喪，哭涕不得休。養疴鮮暇日，跋涉堪車舟。我有一丸藥，遠自洪喬留。服之可延年，不但巨

勝侔君如能我從同作青城遊會當勝擾擾羈鎖悲塵鞢
登高望西北何處尋高樓營巢笑鷓鴣未雨忘綢繆太陽
欲西匿淒風起颼颼歸鞭願蚤整延佇空江流

鄒論園比部焦山雅集遺圖爲令子

壽齡題

誰將彩筆點清秋勝事西園一代留流水不隨遷客逝名
山偏愛舊人遊酒痕墨瀋回頭失敗荻殘蘆到眼愁風景
依然非昨日逢君還與此登樓

朱烈婦行

婦姓某氏清江人幼許字朱氏子先後失怙恃同育於
夫舅氏家迨年長將結褵夫忽病傷寒七日不汗勢危
甚婦偵知之亟先自縊夫聞號救汗出如雨轉得不死

而婦死矣張明經

春第

閱之乞余詩以紀其事

我爲烈婦吟我悲烈婦心心知婦以夫爲天夫病欲死天
將傾不如畢命先歸陰夫聞號救汗如雨一病霍已有淚
空潏潏昏黃慘睹空梁繩婦幼喪父母夫亦怙恃俱失傷
伶仃同育舅氏匪伊今待年未結褵不得比彼雙飛禽夫
況未死命胡輕黃泉有路誰能尋嗚呼烈婦知何心心知
死同穴焉識生同衾倉卒計較非所任紛紛議者口徒瘖
草間偷活彼何人聞烈婦名能弗慙汗交沾襟

秋夜風雨

客裏逢秋心自驚無邊愁思一時生何當刪盡窗前竹
免作終宵風雨聲

坐堂詞

鼓聲夔夔官坐堂門開呼喝分兩旁堂下跪者心驚惶欲
訴未訴語半忘曲直那得口自張供詞鈔錄何周詳官怒
忽爾誰能防得錢行杖膚不傷無錢流血滿兩襟官退得
意方洋洋明朝依舊官坐堂何患酒債無人償

幕府詞

髻參軍短主簿能令公喜令公怒昔日幕官今日客竊弄
威權徧當路鉤稽錢穀不失錙與銖熟諳三章何用令甲
布官之考成繫其手誰敢一言或相迂任爾顛倒黑與素
腥羶所集螳爭赴閭閻之苦豈獨吏胥蠹

典客詞

段鞞纓帽面白皙云是府中老典客卑官到門不敢入斂
手鞠躬意踧踖幡然歡喜爲一揖名刺得通長官出退而
逢人有驕色腐儒何爲不察識倒拖手版倚門側吁嗟乎
此腰若肯督郵折陶令無因去彭澤

狂歌行

古人讀書貴聞道不屑陳編恣搜討今人動謂古人疏名
物流傳盡失考試問明堂清廟圖誰果當時見興造冠裳
器皿細已甚尺寸厚薄辨如瞭誇奇炫博究何用毋怪儒
生世羣藐凜然大德誰不渝細行鯁鯁各矜表顛倒黑白
素是非世道人心害非小安得有人起廓清辟雍鐘鼓重
京鎬

寄題故園黃菊

仕豈爲貧原一誤歸仍無計只長歎亦知多病趨時左自
信非才獲上難鴻雁已悲前路失鷺鷥何苦舊盟寒故園
黃菊休相笑準擬明年爛醉看

書魏默深

源

中翰海國圖志後卽贈

荆湘之間積感民以此自稱伊何人平時讀書破萬卷抱
負誰得知其真遭逢干戈動海國鯨鯢騰躍豺豕奔材官
宿將盡淪沒傳烽列燧猶郊闔我朝武功邁前古指麾
豈遂忘疆臣舛舛深入竟無忌貔貅十萬驚虛屯獻琛貢
費數屬國效忠況念朝廷恩彼夷雖黠敢無畏遠情恨
莫通天闕急急議撫識何意痛哭誰效賈書陳開編什讀

發感喟著論深切悲鬼神造船鑄礮有原委重洋指畫如
躬親宣室儼蒙召夜半班超西域功休論當時重寄歎誰
屬拊膺扼腕生酸辛空言徒託總何補孰與箋注蟲魚勤
獻諸廊廟備 乙覽採擇要可垂千春紛紛防海議當局
讀此那勿慙逡巡

陳與三賦過示所造渾象并星表爲賦長句

陳生胷腹滿象緯日望斗杓動感慨便思直上觀星臺細
就璣衡辨顯晦觚稜金箭夢未通但抱陳編坐戶內往年
南粵騰機槍含愁語我生旁皇謂恐兵戈此難免妖氛遙
射穿銀潢圍城日夜恣講論歎君所見非荒唐因之從君
究占驗法象無器難求詳洛閣張衡不可作案頭靈憲空

評量卻憶星家有鑄造玉管橫施擅奇巧仰觀躔度恆參
差運轉胡能絜穹昊君言南北地不平二極出入要先考
指南漫分昏旦中一鍼早定黃赤道按節應候資尋求象
有難明輔以表此意豈復疇人知并可西差廢搜討攜來
指示月黑天繁星燦燦俱眼前不比壺中小日月直教袖
裏搏坤乾方今海濤已安謐胡爲失正威弧弦復訝虛危
守熒惑長庚作作光芒連杞憂未免更私抱知君祕造窺
無愆西洋鐘表失寶貴所望從此欽虞璿嗚呼君才世豈
有安得靈臺爲君守明時治厯同義和四海卿雲仰縵紉

病中偶詠

分付閒身伴藥爐清秋風月已全孤亂蛩響斷知宵永落

葉無聲識樹枯少日情懷銷逝水百年蹤迹老征途淒涼
況是遭兵後支枕愁聽夜夜烏

落葉

枝頭媚春陽青青助妍麗西風一以來蕭然下庭際故作
淒涼聲斷續寒蟬替聽之令心悲時序感更遞況入羈客
耳那弗暗零涕雖知雨雪過綠陰復滿地葉落有重榮景
逝難追繫誰能一死生榮瘁不自計羨彼學道人常抱太
和氣庶幾俯仰閒默會天地意

讀宋柴望丙丁龜鑑書後

誰將家國興亡事譜作君臣法戒篇休咎五行徵不忒盛
衰千古驗無偏災荒迭告知兵始賄賂公行兆禍先莫但

沾沾論歲阨從來氣數有回旋

送沈玉生

基庶

之白門

送君白門去知君何時還自君近我居已更幾暑寒雖殊
故鄉好亦作故鄉看君去我獨留誰來叩我關春花自寂
寂秋草空閒閒君今去何爲得免長鋏彈雖幸同心人相
對差破顏盈頭奈白雪歲月驚奔湍學道貴汲汲毋使筋
力殫招隱儻同賦笑指雲中翰

意菴山館詩稿卷八終

孫潤庠曾孫家振校字